



DRUŠTVO CRVENOG KRIŽA BOSNE I HERCEGOVINE
CRVENI KRIŽ FEDERACIJE BOSNE I HERCEGOVINE
CRVENI KRIŽ KANTONA SARAJEVO
OPĆINSKA ORGANIZACIJA CRVENOG KRIŽA
N o v o S a r a j e v o

ul. Envera Šehovića 11, 71000 Sarajevo, BiH
e-mail: novo.sarajevo@ckfbih.ba

tel: +387 33 610-807, tel/fax: +387 33 525-738
Raiffeisen Bank dd: 1610000010780009

Broj: 9-6-2-1/22
Sarajevo, 09.06.2022.godine

Predmet: Akcija dobrovoljnog darivanja krvi – 14.06.2022.g

Crveni križ Novo Sarajevo u skladu sa smjernicama Svjetske zdravstvene organizacije, svake godine obilježava 14. juni, Svjetski dan dobrovoljnih davalaca krvi, s ciljem jačanja svijesti o potrebi sigurne krvi i krvnih komponenti i isticanja značaja dobrovoljnih, neplaćenih davalaca krvi za zdravstveni sistem.

Istovremeno, ovaj datum je i prilika da se iskaže zahvalnost dobrovoljnim, neplaćenim davaocima krvi za dragocjenu tečnost kojom spasavaju ljudske živote.

Obzirom na izuzetno tešku situaciju tokom prošle i ove godine u davalanstvu zbog proglašenja pandemije COVID-19, organizujemo akciju dobrovoljnog darivanja krvi u svrhu obezbjeđenja dovoljnih zaliha krvi i krvnih sastojaka u **utorak, 14.06.2022.godine** u terminu **od 11:00 do 15:00 sati u prostorijama Historijskog muzeja Bosne i Hercegovine.**

Organizatori akcije:

Općina Novo Sarajevo
Općinsko vijeće Novo Sarajevo
Crveni križ Novo Sarajevo
Historijski muzej Bosne i Hercegovine
Zavod za transfuzijsku medicinu FBiH

Koristimo ovu priliku da Vas pozovemo da nam se u duhu humanosti pridružite i podržite promociju ove akcije dobrovoljnog darivanja krvi jer krv je lijek a čovjek je jedini izvor krvi kao lijeka i na taj način podržite akciju. Svi davaoci imaju priliku da besplatno posjeti Historijski muzej Bosne i Hercegovine i pogledaju stalne i povremene postavke muzeja.

U nastavku dopisa, šaljemo Vam osnovne napomene o dobrovoljnem davalanstvu:

Dobrovoljno davalanstvo krvi je tradicionalna aktivnost Crvenog križa po kojoj je naša organizacija decenijama prepoznatljiva. Krajnji cilj je prikupljanje dovoljnih količina krvi u saradnji sa Zavodom za transfuzijsku medicinu FBiH.

Darivanje krvi se zasniva na medicinskom principu da svaka zdrava osoba može bez štetnih posljedica za svoje zdravlje dati dozu krvi jer time daje količinu koja se smatra kao normalni "višak" bez koje čovjek može da obavlja i najteže poslove.

Crveni križ vrši promociju, animaciju i regrutaciju davalaca, a Zavod za transfuzijsku medicinu FBiH obavlja stručni dio – uzimanje krvi od davalaca. Animiranje građana za dobrovoljno darivanje krvi predstavlja značajnu društvenu aktivnost i pomaže u ublaživanju ljudskih patnji i spašavanju života što je jedan od najznačajnijih humanitarnih zadataka Crvenog križa. Implementacijom ovog programa Crveni križ daje doprinos obezbjeđenju dovoljnih rezervi krvi u cilju stvaranja uslova da nijedan građanin ne izgubi život zbog nedostatka krvi i krvnih preparata. Dobrovoljno darivanje krvi danas više nije nepoznato pa ipak ne možemo reći, pored svih napora koje ulažemo, da ovu armiju humanih ljudi uspješno podmlađujemo odnosno da broj davalaca raste istom progresijom kao i potrebe u krvi. Suočeni sa povećanjem potreba u krvi iz godine u godinu i neprestanim traženjem novih davalaca, služba transfuzije krvi je integrisala svoje napore sa organizacijom Crvenog križa, koja po svojoj namjeni, opredjeljenju i iskustvu najviše doprinosi omasovljenju davalštva.

Kroz zdravstveno-obrazovni rad vršimo upoznavanje stanovništva da se:

- davanjem krvi obezbjeđuje lijek za koji do danas nije pronađena odgovarajuća zamjena;
- davanjem krvi obezbjeđuje lijek za brže ozdravljenje;
- davanjem krvi oplemenjuju ljudi – razvija se i njeguje vrlina solidarnosti;
- davanje krvi daje osjećaj aktivne međuzavisnosti;
- davanje krvi daje osjećaj snage udruživanja i socijalne sigurnosti;
- davanje krvi je najdublji i najpotpuniji izraz solidarnosti kroz koju dajući dio sebe za drugoga, čovjek osjeća lično zadovoljstvo;
- davanjem krvi se stiče ugled u društvu;
- davanje krvi nije bolno, ne šteti organizmu, ne stvara naviku, ne utiče bitnije na krvni pritisak i ne umanjuje radnu sposobnost.

Davalštvo krvi je dobrovoljno, anonimno i besplatno, a dobrovoljni davaoci krvi su najhumaniji ljudi. Crveni križ nastoji ovim humanim ljudima, u ime društva, odati priznanje, zahvaliti im se na poklonjenoj ‘kapi koja život znači’ jer to su ljudi koji su svojom ljubavlju za druge i nesebičnom darivanju sebe stvorili jaku mrežu humanosti.

Srdačan pozdrav,

Sekretar

Asad Kučević